

nach der Geburt halten sollen. 124

Auch sollen die Männer für die kleinen
sechß wochen Kindlein fleißig Gott im
Himmel anrufen / daß er dise wölle frisch
vnd gesund erhalten / sie auch segenen /
daß sie groß / starck / fromb vnd selig wer-
den mögen.

Zum Dritten / sollen auch die Män-
ner irer Weiber in iren sechß wochē wol
pflegen vnd warten lassen / mit Essen /
Trincken / vnd andern / sich auch keusch
vnd züchtig gegen inen halten / jr mit har-
ter Hausarbeit verschonen / vnd sie die
zeit ihres Kindbetts lassen außwarten /
daß sie desto ehe wider zu irer gesundtheit
kommen mögen / vñ ist das gar vnrecht /
dß etliche farge filz so hart vñ geschwind
gegen iren Sechßwöchnerin seyn / die sie
ehe der zeit auß dem Kindbett an die ar-
beit treiben / auch ihnen wol darzu fürs
werffen / wie sie da so lang faultenken /
So man doch etwan mit einem ar-
men Gesinde / wie billich / so es frantz

¶ iij vnd